



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

IBANGA LE-12

ISIZULU ULIMI LOKUQALA LOKWENGEZA (FAL)

IPHEPHA LESITHATHU (P3)

NOVEMBA 2013

AMAMAKI: 100

ISIKHATHI: amahora ama-2½

Leli phepha linamakhasi ayisi-7.

IMIYALELO KWABAHLOLWAYO

1. Leli phepha lehlukaniwe IZIQEPHU EZINTATHU:

ISIQEPHU A: Indaba (50)
ISIQEPHU B: Imibhalo emide edlulisa imiyalezo (30)
ISIQEPHU C: Imibhalo emifishane edlulisa imiyalezo (20)

2. Abahlolwayo kulindeleke ukuba baphendule umbuzo OWODWA
ESIQESHINI A, OWODWA ESIQESHINI B kanye noWODWA
ESIQESHINI C.

3. Bhala usebenzise ulimi ohlolwa ngalo.

4. Abahlolwayo mabaqale umbuzo NGAMUNYE ekhasini ELISHA.

5. Bhala uhlaka ekhasini lephepha lakho lokuphendula imibuzo, lube sekhasini lwalo lodwa. (Indaba kuphela edinga uhlaka.)

6. Uyayalwa ukuba usebenzise isikhathi sokubhala ngale ndlela elandelayo:

ISIQEPHU A: amaminithi angama-80
ISIQEPHU B: amaminithi angama-40
ISIQEPHU C: amaminithi angama-30

7. Ungazishintshi izinombolo zemibuzo. Zibhale njengoba zinjalo ephepheni lemibuzo.

8. Abahlolwayo mabaqaphelisise isipelingi kanye nokwakheka kwemisho.

9. Bhala ngobunono nangesandla esifundekayo.

ISIQEPHU A: Izindaba

- Ubude bendaba
Bhala amagama ayi-190 kuya kwangama-240.

ISIQEPHU B: Imibhalo emide edlulisa imiyalezo

- Ubude bombhalo
Bhala amagama angama-80 kuya kwayi-100.

QAPHELA: Abahlolwayo bayayalwa ukuba babhale uhlobo lwalowo mbhalo abawuphendulayo.

ISIQEPHU C: Imibhalo emifishane edlulisa imiyalezo

- Ubude bombhalo
Bhala amagama angama-60 kuya kwangama-80.

QAPHELA: Abahlolwayo bayayalwa ukuba babhale uhlobo lwalowo mbhalo abawuphendulayo.

ISIQEPHU A: INDABA**UMBUZO 1**

Khetha isihloko ESISODWA kwezilandelayo ubhale ngaso indaba ibe ngamagama ayi-190 kuya kwangama-240 (Ubude bungalinganiselwa ekhasini eli-1 ½ kuya kwama-2).

QAPHELA: Bhala uhlaka lwendaba yakho lube sekhasini lwalo lodwa.

- 1.1 Lolu Usuku Engingasoze Ngalukhohlwa. Bhala indaba ngalesi sihloko. **[50]**
- 1.2 Usaziwayo/Osaziwayo Abayizibonelo Ezinhle. Bhala indaba ngalesi sihloko. **[50]**
- 1.3 Kunokukhathazeka ngokuthi ngobani abazoba ngabaholi bakusasa. Intsha yanamuhla isebenzisa izidakamizwa kakhulu, ibulawa yizifo futhi ayinandaba nemfundo. Bhala indaba ngesihloko esithi:
'Ngobani Abazoba Ngabaholi Bakusasa?' **[50]**
- 1.4 Iningi labantu liyakhohlwa ukuthi amalungelo elinawo ahambisana nemisebenzi/izinto okufanele bazenze. Bhala indaba ngesihloko esithi:
'Ukungasetshenziswa Ngendlela Efanele Kwamalungelo.' **[50]**
- 1.5 Ukubekezela. Bhala indaba uveze ukuthi ukubekezela kuyishintshe kanjani impilo yakho. **[50]**
- 1.6 Bukisisa lezi zithombe ezilandelayo bese ukhetha ESISODWA ubhale ngaso indaba. Nika indaba yakho isihloko.


1.6.1



[Icashunwe kuwebhsayithi: [www.floods](http://www.floods.inRSA) in RSA]

[50]

1.6.2



[Icashunwe encwadini: *Inkanyez*]

[50]

1.6.3



[Icashunwe kuwebhsayithi: www.library.com]

[50]

AMAMAKI ESIQEPHU A:

50

ISIQEPHU B: IMIBHALO EMIDE EDLULISA IMIYALEZO**UMBUZO 2**

Khetha isihloko ESISODWA ubhale ngaso kube ngamagama angama-80 kuya kwayi-100.

2.1 Incwadi Yomsebenzi:

Buka isikhangiso esilandelayo bese ubhala incwadi yesicelo somsebenzi ulandele imininingwane ekusona.

<p style="text-align: center;">Isikhala Somsebenzi Uweta (Inombolo yomsebenzi: 01/009/201)</p> <p>Kunezikhala zomsebenzi ezivulekile endaweni yokudlela iKhululeka Restaurant. Kumenywa abafundi abaphase ibanga le-12 ukuba bathumele izincwadi zokufaka izicelo zalo msebenzi.</p> <p>Izinto ezidingekayo kwabafaka izicelo:</p> <ul style="list-style-type: none">• Iminyaka eyi-18.• Ubunono.• Azimisele ukungena ekuseni kakhulu nokuphuma ebusuku kakhulu ngezinye izinsuku.• Ikhono lokusebenza ngaphansi kwengcindezi. <p>Abenze izifundo zokupheka bayocatshangelwa kangcono.</p> <p>Izicelo zingathunyelwa ekhelini elilandelayo: UMphathijikelele Khululeka Restaurant 123 Chris Hani Road Johannesburg 4146</p> <p>Usuku lokuvalwa kokwamukelwa kwezicelo: 31 kuNovemba 2013</p> <p>Qaphela: Izincwadi eziyofika ngemuva kosuku lokuvalwa aziyukwamukelwa. Uma singakuthintanga emuva kwamasonto amabili kuyobe kusho ukuthi isicelo sakho asamukelwanga.</p>

[30]**2.2 Umlando kamufi:**

Umngane wakho ebenifunda naye ushone engozini yetekisi. Umndeni wakhe ubone ukuthi nguweni ongabhala umlando wakhe ozofundwa enkonzweni yomngcwabo. Bhala umlando wakhe.

[30]

2.3 Ingxoxo:

Bhala ingxoxo ephakathi kwabafundi ababili abaphase ibanga le-12 abanenkinga yokuthi abazange bafake izicelo (applications) zezikhala ezikhungweni zemfundo ephakeme (Tertiary Institutions) ngonyaka odlule. Abazi ukuthi bazokwenzani uma kuqala unyaka.

[30]**2.4 Umbiko:**

Ngesikhathi nifunda eklasini nibone kuvuleka umnyango kwangena amadoda amabili ezimboze ubuso ephethe izibhamu. Akhomba uthisha kanye nabafundi, athatha omakhalekhukhwini nokunye. Bhala umbiko ozosetshenziswa ngamaphoyisa ukuphenya lolu daba.

[30]**AMAMAKI ESIQEPHU B: 30**

ISIQEPHU C: IMIBHALO EMIFISHANE EDLULISA IMIYALEZO**UMBUZO 3**

Khetha isihloko ESISODWA ubhale ngaso kube ngamagama angama-60 kuya kwangama-80.

3.1 Isimemo:

Udadewenu uzoshada ngenyanga ezayo. Bhala ikhadi lesimemo elizosetshenziswa ukumema abangani nezihlobo.

[20]**3.2 Iphoskhadi:**

Uhambe nabangane bakho navakashela esiqiwini sezilwane. Bhalela umzala wakho iphoskhadi umtshele ngobuhle basesiqiwini.

[20]**3.3 Idayari:**

Uthole ithuba lokuchitha isonto lonke enkampanini eyenza umsebenzi ofisa ukuwufundela uma usuphase umatikuletsheni. Bhala idayari uveze izinto ezehlukene ozobe uzenza kule nkampani kusukela ngoMsombuluko kuze kube uLwesihlanu.

[20]

AMAMAKI ESIQEPHU C: 20
AMAMAKI ESEWONKE: 100